

已經來橫拈倒用不惟這一部經至於三十六部尊經一大
藏教典從頭徹尾轉一遍只消一喝都竟還委悉也麼平地
起風波青天轟霹靂諦聽諦聽

體道章第一

道○如此可道非常道

可說即不名強名可名非常名已非也

無○即此名天地之始

道生一是一生二二生三名萬物之

母一無生萬有歸

故常無虛心欲以觀其妙見物知道知

心則自有常有抱一欲以觀其微

微音窈身有生此兩者無一無

亦無無同出而異名

萬法歸一同謂之玄道非欲虛虛自歸之

玄之又玄虛裏藏真無中生有眾妙之門

悟由此入用之無窮百千萬法皆從此出

道藏輯要

太上道德寶章翼一

三

心集三

復圭子曰此章總言道之體用及入道工夫也老君之學全
在於此其五千餘言所敷演者惟演此一章已耳儒之所謂
道者路也以日用常行言老之所謂道者直指本體言玄同
子曰第一道字大道也第二道字即大道非口道之道分別
在一可字凡人驟觀第二道字謂口道之道既有可口道之
道則必有不可口道之道矣是可道與不可道二也既為大
道豈容口道稍涉擬議便非尋常日用常久不壞之道復圭
子曰道之一字且不可強加况又可強名之乎名以名此道
也而不知道無以名為也造化密移四時默默中行百物默
默中生必欲歸名於道豈萬古不易之常名乎無能生有故

無爲天地之始者道也道生天地長於上古而不爲老無極是也有彰乎無故有爲萬物之母者一生二二生三三生萬物萬物統體一太極是也以上數句皆指造化之渾淪大道而言故常無欲以下則近指人身道妙而言令人知修道也於二觀字可見故常無二字作一句欲以觀其妙太上謂我尋常日用安心於無要以觀其道之妙處常有二字作一句欲以觀其微微卽妙中之孔竅也太上謂我尋常日用安心於有要以觀其道之竅處竅生於妙有欲生於無欲此兩者於不見中親見於親見中不見其出同特其爲名異耳旣名爲妙又名爲竅則雖有欲而實未嘗有欲故同謂之玄凡遠

道藏輯要

太上道德
寶章翼一

四

心集三
又上上

而無所至極者其色玄故以名道玄不足以盡之不但絕有無之名抑且離玄妙之迹故曰玄之又玄生仙生佛在是生天生地在是生人生萬物亦在是豈非眾妙之門乎此一章已盡全部道德之旨又曰有無名而後有有名凡名不永者有名爲崇故也常者久而不變之謂渾而無奇之稱旣曰常又曰玄所以益明常之不可易不可加也聖人特常之至者耳 程俱論曰可道之道以之制行可名之名以之立言至於不可道之常道不可名之常名則聖人未嘗敢以示人非藏於密而不以示人也不可得而示人焉耳故西方聖人其所示現設爲乘者三演爲分者十二命之曰教若夫傳於教

外者則其不可道與不可名者也中國之聖人祖唐虞憲文武以訂詩書禮樂之文命之曰經若夫其所以言猶履之非迹者則其不可道與不可名者也故老君著五千之文將以示天下迥後世非退於道冥而獨於己者故其發言之首以謂可道之道可名之名者五千文之所具也若夫千聖之所不傳者不可得而言也 筆乘謂太上實非舍有以求無苟舍有以求無則是有外更有無安得爲無蓋當其有時實未嘗有乃真無也故不滅色以爲空空卽色不捐事以爲空事卽空不然其所謂無者爲對有之無而所謂有者爲對無之有亦惡得謂之常無常有哉噫安得知常者而與之一論此

道藏輯要

太上道德寶章翼一

五

心集三

李清菴曰予謂無欲者無心作爲自然也有欲者有心運用工夫也無爲則能見無名之妙全其性也有爲則能見有名之微全其命也有與無性與命同出而異名同謂之玄玄之又玄有無交入性命雙全也子思曰喜怒哀樂之未發謂之中中也者天下之大本也卽無欲觀妙之義也發而皆中節謂之和和也者天下之達道也卽有欲觀微之義也致中和天地位萬物育卽玄之又玄之義也所謂欲者欲人之不可之謂

可道必名名必有知故次之以天下皆知

養生章第二